



Terenga 5: Hōtaka 24 – Te pātai ‘Me pēhea...’

He Mihi

Kei ngā piki tūranga o te hunga kua mōhū i te pō, nau mai anō rā ki roto i ngā ringa māhorahora o tā tātou kaupapa, e rangiwhāwhā nei te toronga ki ngā tōpito o ngā motu e noho nei tātou.

Hei Mahi Whakarongo

Waimarie katoa ana tātou, te hunga e ako ana i te reo, i te pukapuka i tuhia ai e Hirini Moko Mead, e whakarārangi ana i ngā whakataukī e hia kē nei, hei whakahoki i ō tātou mahara ki te wā o ō tātou tūpuna.

Anei ngā pātai hei whakautu mā koutou:

- 1) He aha te take ka tīkina tēnei momo kōrero, tē kōrero ai i te āhua ake o ngā kākahu?
- 2) Ā hea kōrerohia ai tēnei kōrero?
- 3) Ki te kore e tika ngā kākahu o te hunga ka noho ki te paepae, ka pēhea ngā whakaaro o te iwi?

Kia whakarongo ake tātou ki tēnei manukura o te ao Māori, ki a Tā Hirini Moko Mead.

He Whakamārama

Mēnā kāore tātou i te mōhio ki te mahi me oti, ki te āhua rānei me tutuki, e ea ai tētehi hiahia, ko tētehi pātai hei tuku mā te kaikōrero ka tīmata ki ngā kupu 'Me pēhea...' Anei ētehi whakatakotoranga o te pātai hei mātai mā koutou:

- **Me pēhea te + tūmahī**
Me pēhea te **tunu** keke?
- **Me pēhea taku / tā rāua / tā tātou + tūmahī...**
Me pēhea tā tātou **whakatakoto** kōrero ki te hui?
- **Me pēhea e + tūāhua + ai...**
Me pēhea e **ora** ai te reo?

He Mahi Ī-papa

Me pēhea te whakatutuki i te mahi kei runga i te ĩpapa? Homai kia 5 ngā kōrero āwhina

whakatō tōmato i te parani o tō whare

Hei Mahi

Whakamāoritīa ēnei pātai:

1. How will I recognise you?
2. How will we raise enough money?
3. How can the people be satisfied?
4. How can I say this?

Whakautu:

Mahi ĩpapa: 1) Me whai ipu nui. 2) Me kua e mākū rawa te one. 3) Whāngaihia ki te wairākau ka āta rere. 4) Tukuna kia kaha whitikina e te rā. 5) Kia hōhonu anō te whakatōkia ki te one.

1. Me pēhea au e mōhio ai i a koe?
2. Me pēhea tā tātou kōhi i te pūtea nui?
3. Me pēhea te iwi e ngata ai?
4. Me pēhea taku kōrero atu?